

醫
統
正
脈
全
書

五
五



南京中医药大学图书馆版权所有

蘭室秘藏卷下

江陰朱氏校刊本

金真定李杲著

大便結燥門

大便結燥論

金匱真言論云北方黑色入通腎開竅於二陰藏精於
腎又云腎主大便大便難者取足少陰夫腎主五液津
液盛則大便如常若饑飽失節勞役過度損傷胃氣及
食辛熱味厚之物而助火邪伏於血中耗散真陰津液
虧少故大便結燥然結燥之病不一有熱燥有風燥有



陽結有陰結又有年老氣虛津液不足而結燥者治法
云腎惡燥急食辛以潤之結者散之如少陰不得大便
以辛潤之太陰不得大便以苦泄之陽結者散之陰結
者溫之仲景云小便利而大便硬不可攻下以脾約丸
潤之食傷太陰腹滿而食不化腹響然不能大便者以
苦藥泄之如血燥而不能大便者以桃仁酒製大黃通
之風結燥而大便不行者以麻子仁加大黃利之如氣
澀而大便不通者以郁李仁枳實皂角仁潤之大抵治
病必究其源不可一槩用巴豆牽牛之類下之損其津



液燥結愈甚復下復結極則以至導引於下而不通遂成不救噫可不慎哉

通幽湯

治大便難幽門不通上衝吸門不開噎塞不便燥秘氣不得下治在幽門以辛潤之

炙甘草

紅花各一分

生地黄

熟地黄各五分

分

升麻

桃仁泥

當歸身各一分

錢

右都作一服水二大盞煎至一盞去粗調檳榔細末



五分稍熱食前服之

潤燥湯

升麻

生地黄

各二錢

熟地黄

當歸稍

生甘草

大黃

煨

桃仁泥

麻仁

各一錢

紅花

五分

右除桃仁麻仁另研如泥外剉如麻豆大都作一服水二盞入桃仁麻仁泥煎至一盞去粗空心稍熱服

潤腸丸

治脾胃中伏火大便秘澀或乾燥閉塞不通全不思



食乃風結血秘皆令閉塞也以潤燥和血踈風自然
通利矣

桃仁湯浸去皮尖

麻仁各一兩

當歸稍

大黃煨

羌活各一兩

右除桃仁麻仁另研如泥外槁爲極細末煉蜜爲丸

如梧桐子大每服三五丸空心白湯下

如病人不大便爲大便不通而澀其邪盛者急加酒洗

大黃以利之

如血燥而大便燥乾者加桃仁酒洗大黃



如風結燥大便不行者加麻仁大黃

如風濕而大便不行加煨皂角仁大黃秦朮以利之

如脉澀覺身癢氣澀而大便不通者加郁李仁大黃以

除氣燥

如寒陰之病爲寒結閉而大便不通者以局方中半硫

丸或加煎附子乾薑湯冰冷與之其病雖陰寒之證

當服陽藥補之若大便不通者亦當十服中與一服

藥微通其大便不令結閉乃治之大法

若病人雖是陰證或是陰寒之證其病顯躁脉實堅亦

宜於陽藥中少加苦寒之藥以去熱躁躁止勿加
如陰躁欲坐井中者其二腎脉按之必虛或沉細而遲
此易爲辨耳知有客邪之病亦當從權加藥以去之
麻黃白朮湯

治大便不通五日一遍小便黃赤渾身腫面上及腹
尤甚其色黃麻木身重如山沉困無力四肢痿軟不
能舉動喘促唾清水吐噦痰唾白沫如膠時躁熱發
欲去衣須臾熱過振寒項額有時如冰額寒尤甚頭
旋眼黑目中溜火冷淚鼻不聞香臭少腹急痛當臍



中有動氣按之堅硬而痛

青皮去腐

酒黃連各一分

酒黃蘗

橘紅

甘草炙半

升麻各二分

黃芪

人參

桂枝

白朮

厚朴

柴胡

蒼朮

猪苓各三分

吳茱萸

白茯苓

澤瀉各四分

白豆蔻

炒麴各五分

麻黃不去節五

錢

杏仁四箇

右咬咀分作二服水二大盞半先煎麻黃令沸去沫再入諸藥同煎至一盞去粗稍熱食遠服



此證宿有風濕熱伏於榮血之中其木火乘於陽道
爲上盛元氣短少上喘爲陰火傷其氣四肢痿在腎
水之間乃所勝之病今正遇冬寒得時乘其肝木又
實其母肺金尅火凌木是大勝必有大復其證善恐
欠多噓鼻中如有物不聞香臭目視眈眈多悲健忘
少腹急痛通身黃腹大脹面目腫尤甚食不下痰唾
涕有血目眦瘍大便不通並宜此藥治之

升陽湯

一名升陽
瀉濕湯

治膈咽不通逆氣裏急大便不行



青皮

槐子各二分

生地黄

熟地黄

黃蘗各三分

當歸身

甘草稍一錢

桃仁拾箇另研

右咬咀如麻豆大都作一服入桃仁泥水二大盞煎

至一盞去粗稍熱食前服

活血潤燥丸

治大便風秘血秘常常燥結

當歸稍一錢

防風三錢

大黃濕紙裹煨

羌活各一兩

皂角仁

燒存性去皮一兩五錢其性得濕則滑濕滑則燥結自除

桃仁二兩研如泥

泥

麻仁二兩五錢研如泥



右除麻仁桃仁另研如泥外爲極細末煉蜜爲丸如
梧桐子大每服五十九白湯下三兩服後須以蘇麻
子粥每日早晚食之大便日久不能結燥也以磁器
盛之紙封無令見風

潤腸湯

治大腸結燥不通

生地黃

生甘草

各一錢

大黃

煨

熟地黃

當歸梢

升麻

桃仁

麻仁

各一錢

紅花

三分



右咬咀水二盞煎至一盞去粗食遠温服

小便淋閉門

小便淋閉論

難經云病有關有格關則不得小便又云關無出之謂
皆邪熱爲病也分在氣在血而治之以渴與不渴而辨
之如渴而小便不利者是熱在上焦肺之分故渴而小
便不利也夫小便者是足太陽膀胱經所主也長生於
申申者西方金也肺合生水若肺中有熱不能生水是
絕其水之源經云虛則補其毋宜清肺而滋其化源也



故當從肺之分助其秋令水自生焉又如雨如露如霜
皆從天而降下也乃陽明之陰明秋氣自天而降下也
且藥有氣之薄者乃陽中之陰是感秋清肅殺之氣而
生可以補肺之不足淡味滲泄之藥是也茯苓澤瀉琥
珀燈心通草車前子木通瞿麥扁菹之類以清肺之氣
泄其火資水之上源也如不渴而小便不通者熱在下
焦血分故不渴而大燥小便不通也熱閉於下焦者腎
也膀胱也乃陰中之陰陰受熱邪閉塞其流易上老云
寒在胸中遏絕不入熱在下焦填塞不便須用感北方



寒水之化氣味俱陰之藥以除其熱泄其閉塞內經云
無陽則陰無以生無陰則陽無以化若服淡滲之藥其
性乃陽中之陰非純陽之劑陽無以化何能補重陰之
不足也須用感地之水運而生太苦之味感天之寒藥
而生大寒之氣此氣味俱陰乃陰中之陰也大寒之氣
人稟之生膀胱寒水之運人感之生腎此藥能補腎與
膀胱受陽中之陽熱火之邪而閉其下焦使小便不通
也夫用大苦寒之藥治法當寒因熱用又云必伏其所
主而先其所因其始則氣同其終則氣異也



通關丸

一名滋腎丸

治不渴而小便閉熱在下焦血分也

黃蘗

去皮剉酒洗焙

知母

剉酒洗焙乾各一兩

肉桂

五分

右爲細末熟水爲丸如梧桐子大每服一百丸空心

白湯下頓兩足令藥易下行故也如小便利前陰中

如刀刺痛當有惡物下爲驗

清肺飲子

治渴而小便閉澀不利邪熱在上焦氣分

燈心

一分

通草

二分

澤瀉

瞿麥



琥珀各五分

扁擔

木通各七分

車前子炒

錢

茯苓去皮二錢

猪苓去皮三錢

右為麤末每服五錢水一盞半煎至一盞稍熱食遠

服或局方八正散五苓散亦宜服之

導氣除燥湯

治小便閉塞不通乃血澀致氣不通而竅澀也

茯苓去皮

滑石炒黃各二錢

知母細剉酒洗

澤瀉各三錢

黃蘗去皮酒洗四錢

右咬咀每服五錢水三盞煎至一盞去粗稍熱空心



服

如急閉不拘時服

腎疸湯

治腎疸目黃甚至渾身黃小便赤澀

羌活

防風

藁本

獨活

柴胡

各五分

升麻

錢五分

已上治腎疸目黃渾身黃

白茯苓

二分

澤瀉

三分

猪苓

四分

白朮

五分

蒼朮

錢三分



已上治小便赤澀

黃蘗二分

人參三分

葛根五分

神麴六分

甘草三錢

右剉如大豆大分作二服水三盞煎至一盞去粗稍

熱食前服

痔漏門

痔漏論

內經曰因而飽食筋脉橫解腸澀為痔夫大腸庚也主津本性燥滄肅殺之氣本位主收其所司行津以從足



陽明旺則生化萬物者也足陽明爲中州之土若陽衰亦殞殺萬物故曰萬物生於土而歸於土者是也以手陽明大腸司其化焉旣在西方本位爲之害蜚司殺之府因飽食行房忍泄前陰之氣歸於大腸木乘火勢而侮燥金故火就燥也大便秘閉其疾甚者當以苦寒瀉火以辛溫和血潤燥踈風止痛是其治也以秦艽當歸梢和血潤燥以桃仁潤血以皂角仁除風燥以地榆破血以枳實之苦寒補腎以下泄胃實以澤瀉之淡滲使氣歸於前陰以補清燥受胃之濕邪也白朮之苦甘以



苦補燥氣之不足其甘味以瀉火而益元氣也故曰甘
寒泄火乃假枳實之寒也古人用藥為下焦如瀆又曰
在下者引而竭之多為大便秘澀以大黃推去之其津
血益不足以當歸和血及油潤之劑大便自然輒利矣
宜作剉湯以與之是下焦有熱以急治之之法也以地
榆酸苦而壞胃故宿食消盡空心作丸服之
秦艽白朮丸

治痔疾并痔漏有膿血大便燥硬而作疼痛不可忍

秦艽 去蘆

桃仁 湯浸去皮尖去

皂角仁 燒存性 各一兩



當歸梢酒浸

澤瀉

枳實麩炒黃

白朮各五錢

地榆三錢

石爲細末和桃仁泥研勻煎熱湯打麩糊爲丸如雞頭仁大令藥光滑焙乾每服五七十九白湯下空心服待少時以美饌壓之忌生冷硬物冷水冷菜之類并濕麪酒及辣辛熱大料物之類犯之則藥無驗也

秦艽蒼朮湯

治痔疾若破謂之痔漏大便秘澀必作大痛此由風熱乘食飽不通氣逼大腸而作也受病者燥氣也爲



病者胃濕也胃刑大腸則化燥火以乘燥熱之實勝
風附熱而來是濕熱風燥四氣而合故大腸頭成塊
者濕也作大痛者風也若大便燥結者主病兼受火
邪熱結不通也去此四者其西方肺主諸氣其體收
下亦助病為邪須當破氣藥兼之治法全矣以剉湯
與之其效如神

秦艽

去荊製

桃仁

湯浸去皮另研

皂角仁

燒存性另研各一錢

蒼朮

防風

各七分

黃蘗

去皮酒洗伍分

當歸梢

酒洗

澤瀉

各三分

梭身檳榔

一分另研

大黃

少許雖大



便過澀亦
不可多用

右除檳榔桃仁皂角仁三味外餘藥咬咀如麻豆大
都作一服水三盞煎至一盞二分去粗入檳榔等三
味末再上火煎至一盞空心熱服待少時以美饍壓
之不犯胃氣也服藥日忌生冷硬物及酒濕麪大料
物乾薑之類犯之則其藥無効

如有白膿加白葵花頭五朶去萼心青皮半錢不去白
入正藥中同煎木香三分爲細末同檳榔等三味依
前煎服餌古人治此疾多以歲月除之此藥一服則



愈

七聖丸

治大腸疼痛不可忍叔和云積氣生於脾藏傍大腸疼痛陣難當漸交稍瀉三焦火莫謾多方立紀綱

羌活

一兩

郁李仁

湯浸去皮另研一兩五錢

大黃

八錢

檳榔

桂

去皮

木香

川芎

各五錢

右除郁李仁另研入外共為細末煉蜜為丸如梧桐子大每服三五十九白湯下食前取大便微利一服而愈切禁不得多利大便其痛滋甚



秦朮防風湯

治痔漏每日大便時發疼痛如無疼痛者非痔漏也

此藥主之

秦朮

防風

當歸身

白朮

各一錢五

分

炙甘草

澤瀉

各六分

黃蘗

五分

大黃

煨

橘皮

各三分

柴胡

升麻

各二分

桃仁

三十箇

紅花

少許

右剉如麻豆大都作一服水三盞煎至一盞去粗稍

熱空心服之避風寒忌房事酒濕麪大辛熱物



秦艽羌活湯

治痔漏成塊下垂不任其癢

羌活 一錢二分

秦艽

黃芪 各二錢

防風 七分

升麻

炙甘草

麻黃

柴胡 各五分

藁本 三分

細辛 少許

紅花 少許

右剉如麻豆大都作一服水二盞煎至一盞去粗空

心服之忌風寒處大小便

當歸郁李仁湯

治痔漏大便硬努出大腸頭下血苦痛不能忍



郁李仁

皂角仁

各一錢

枳實

七分

秦艽

麻仁

當歸梢

生地黄

蒼朮

各五分

大黃

煨

澤瀉

各三分

右剉如麻豆大除皂角仁另為末水三盞煎至一盞

去粗入皂角仁末調空心食前服之忌如前

紅花桃仁湯

治痔漏經年因而飽食筋脉橫解腸澀為痔治法當

補北方瀉中央

黃蘗

一錢五分

生地黄

一錢

澤瀉

八分

蒼朮

六分



當歸梢

防已

防風稍

猪苓 各五分

麻黃 二分

紅花 半分

桃仁 十箇

右剉如麻豆大水三盞煎至一盞去粗稍熱食前服

之忌如前

秦艽當歸湯

治痔漏大便結燥疼痛

大黃 煨四錢

秦艽

枳實 各一錢

澤瀉

當歸梢

皂角仁

白朮 各五分

紅花 少許

桃仁 二十箇



右都作一服水三盞煎至一盞去粗食前熱服忌如

前

陰痿陰汗門

陰痿陰汗及臊臭論

一富者前陰臊臭又因連日飲酒腹中不和求先師治

之日夫前陰者足厥陰肝之脉絡循陰器出其挺末凡

臭者心之所主散入五方爲五臭如肝爲臊此共一也

當於肝經中瀉行間是治其本後於心經中瀉少衝乃

治其標如惡針當用藥除之酒者氣味俱陽能生裏之



濕熱是風濕熱合於下焦為邪故經云下焦如瀆又云
在下者引而竭之酒是濕熱之水亦宜決前陰以去之
龍膽瀉肝湯

治陰部時復熱痒及臊臭

柴胡稍

澤瀉各一錢

車前子

木通

各五分

生地黃

當歸稍命

草龍膽

各三分

右剉如麻豆大都作一服水三盞煎至一盞去粗空
心稍熱服便以美膳壓之此藥柴胡入肝為引用澤
瀉車前子木通淡滲之味利小便亦除臊氣是名在



下者引而竭之生地黃草龍膽之苦寒瀉酒濕熱更
兼車前子之類以撤肝中邪氣肝主血用當歸以滋
肝中血不足也

清震湯

治小便溺黃臊臭淋瀝兩丸如冰陰汗浸多

羌活

酒黃蘗

各一錢

升麻

柴胡

蒼朮

黃芩

各五分

澤瀉

四分

麻黃根

猪苓

防風

各三分

炙甘草

當歸身

藁本

各二分

紅花

一分



右剉如麻豆大都作一服水二盞煎至一盞去粗臨

卧服大忌酒濕麪

固真湯 一名正元湯

治兩丸冷前陰痿弱陰汗如水小便後有餘滴尻臀

并前陰冷惡寒而喜熱膝下亦冷

升麻

羌活

柴胡 各一錢

炙甘草

草龍膽

澤瀉 各一錢五分

黃蘗

知母 各一錢

右剉如麻豆大分作二服水二盞煎至一盞去粗空

心稍熱服以早飯壓之



清菟湯一名柴胡勝濕湯

治兩外腎冷兩髀陰汗前陰痿陰囊濕痒燥氣

柴胡 生甘草 酒黃蘗各二錢 升麻

澤瀉各一錢五分 當歸稍 羌活 麻黃根

漢防已 草龍膽各一錢 茯苓少許 紅花少許

五味子二十箇

右判如麻豆大分作二服水二盞煎至一盞去粗食

前稍熱服忌酒濕麪房事

椒粉散



治前陰兩丸濕痒痛秋冬甚夏月減

肉桂 二分

川椒

當歸梢

猪苓 各三分

蛇床子

黑狗脊 各五分

麻黃根 一錢

輕粉 少許

紅花 少許

班蝥 兩枚

右爲末乾糝上避風寒冷濕處坐卧

補肝湯

治前陰冰冷并陰汗兩脚痿弱無力

黃芪 七分

炙甘草 五分

升麻

猪苓 各四分

白茯苓

葛根

人參 各三分

柴胡



羌活

陳皮

連翹

當歸身

黃蘗

炒

澤瀉

蒼朮

麴末

知母

防風

各二分

右剉如麻豆大都作一服水二大盞煎至一盞云相

空心稍熱服忌酒濕麪

溫腎湯

治面色痿黃脚痿弱無力陰汗

柴胡

麻黃根

各六分

白茯苓

白朮

酒黃蘗

猪苓

升麻

各一錢

蒼朮



防風

各一錢五分

澤瀉

二錢

右分作二服每服水二大盞煎至一盞去粗食前稍

熱服一時辰許方食

延胡丁香丸

一名丁香疝氣丸

治臍下撮急疼痛并周身皆急痛小便頻數及五脉急獨腎脉按之不急皆虛無力名曰腎疝

羌活

三錢

當歸

茴香

各二錢

延胡索

麻黃根節

肉桂

各一錢

丁香

木香

甘草

川烏頭

各五分

防己

三分

蠍

十三箇



右爲細末酒煮麵糊爲丸如雞頭大每服五十九空
心鹽白湯服

瀉痢門

訶子皮散

癸卯冬白樞判家一老僕面塵脫色神氣特弱病脫
肛日久服藥未驗復下赤白膿痢作裏急後重白多
赤少不任其苦以求其治曰此非肉食膏粱必多蔬
食或飲食不節天氣已寒衣蓋猶薄不禁而腸頭脫
下者寒也眞氣不禁形質不收乃血滑脫也此乃寒



滑氣泄不固故形質下脫也當以澀去其脫而除其
滑微酸之味固氣上收以大熱之劑而除寒補陽以
補氣之藥升陽益氣

御米殼 去蒂萹
蜜炒

橘皮 各五
分

乾薑 炮六
分

訶子 煨去核
七分

右為細末都作一服水二盞煎至一盞和粗空心熱

服

升麻補胃湯

治宿有陽明血證因五月間大熱喫杏腸澀下血啣



遠散漫如篩腰沉沉然腹中不痛血色紫黑病名濕毒腸澼屬陽明少陽經血證也

白芍藥

一錢五分

升麻

羌活

黃芪

各一錢

生地黃

熟地黃

獨活

牡丹皮

炙甘草

柴胡

防風

當歸身

葛根

各三分

肉桂

少許

右判如麻豆大分作二服每服水二盞煎至一盞去

粗食前稍熱服

升陽去熱和血湯



治腸澼下血另作一派其血啣出有力而遠射四散如篩腸中血下行腹中大作痛乃陽明氣衝熱毒所作也當升陽去濕熱和血脉是其治也

橘皮二分

熟地黃

當歸身

蒼朮

秦艽

肉桂各三分

生地黃

牡丹皮

生甘草各五分

升麻七分

熟甘草

黃芪各一錢

白芍藥一錢五分

右咬咀都作一服水四盞煎至一盞去粗空心稍熱

服立効



益智和中湯

治腸澼下血或血色紫黑腹中痛腹皮惡寒右手關
脉弦按之無力而喜熱物熨之內寒明矣

肉桂一分

桂枝四分

牡丹皮

柴胡

葛根

益智仁

半夏各五分

當歸身

炙甘草

黃芪

升麻各一錢

白芍藥一錢

五分

乾薑少許

右為麤末都作一服水三盞煎至一盞去粗食後温

服



芍藥蘖皮丸

治濕熱惡痢血痢頻併窘痛無問膿血並皆治之

芍藥

黃蘖各一兩

當歸

黃連各五錢

右為末飯為丸如雞頭大每服五七十九食前米飲

湯下忌油膩酒濕麪等物

和中益胃湯

治太陰陽明腹痛大便常泄若不泄即秘而難見在

後傳作濕熱毒下鮮紅血腹中微痛脇下急縮脈緩

而洪弦中下得之按之空虛



蘇木一分

藁本

益智仁各二分

熟地黃

炙甘草各三分

當歸身四分

柴胡

升麻各五分

右咬咀都作一服水二盞煎至一盞去相空心溫服

槐花散

治腸澼下血濕毒下血

川芎四分

槐花

青皮

荊芥穗

熟地黃

白朮各六分

當歸身

升麻各一錢

右為細末每服三錢米飲湯調下食前忌酒濕麪生

冷硬物



茯苓湯

治因傷冷飯水泄一夜走十行變作白痢次日其痢赤白腹中疴痛減食熱躁四肢沉困無力

生黃芩三分

當歸身四分

肉桂

炙甘草各五分

分

猪苓

茯苓各六分

澤瀉錢一

芍藥一錢五分

蒼朮

生薑

升麻

柴胡各二錢

右咬咀如麻豆大分作二服每服水二盞煎至一盞

去粗稍熱食前服之



黃芪補胃湯

治一日大便三四次澹而不多有時作泄腹中鳴小

便黃

黃芪

柴胡

當歸身

益智

橘皮

各三分

升麻

六分

炙甘草

二錢

紅花

少許

右咬咀都作一服水二盞煎至一盞去粗稍熱食前

服之

升陽除濕湯

自下而上者引而去之



蒼朮一錢

柴胡

羌活

防風

升麻

神麴

澤瀉

猪苓

各五分

炙甘草

陳皮

麥蘗麴

各三分

右都作一服水二盞煎至一盞去粗空心服之

如胃寒腸鳴加益智仁半夏各五分生薑三片棗一枚

同煎至非腸鳴不得用

人參益胃湯

治頭悶勞動則微痛不喜飲食四肢怠墮躁熱短氣
口不知味腹鳴大便微澹身體昏悶覺渴不喜冷物



黃芪

甘草

當歸梢

益智

各二分

人參

黃芩

柴胡

半夏

白朮

各三分

陳皮

升麻

各五分

蒼朮

一分五錢

紅花

少許

右都作一服水二盞煎至一盞去粗稍熱食前服之

升麻補胃湯

治因內傷服牽牛大黃食藥泄瀉過多腹中大痛

甘草

七分

升麻

柴胡

草豆蔻

黃芪

各五分

半夏

三分

當歸身

乾薑

各二分



紅花少許

右都作一服水二盞煎至一盞去粗稍熱食遠服之

瘡瘍門

散腫潰堅湯

治馬刀瘡結硬如石或在耳下至缺盆中或肩上或於脇下皆手足少陽經中及瘰癧遍於頰或至頰車堅而不潰在足陽明經中所出或二證瘡已破流膿水並皆治之

黃芩

八錢酒洗
半生用一半

草龍膽

酒洗各
炒四遍



瓜萋根

剉碎酒洗

黃蘗

酒製

酒知母

桔梗

昆布

各五錢

柴胡

四錢

炙甘草

京三稜

酒洗

廣茂

酒洗炒

連翹

各三錢

葛根

白芍藥

當歸梢

黃連

各二錢

升麻

六分

右咬咀每服六錢水二盞零八分先浸多半日煎至

一盞去粗食後熱服於卧處伸足在高處頭低垂每

含一口作十次嚥服畢依常安卧取藥在膈上停蓄

故也另攢半料作細末煉蜜爲丸如棗豆大每服百

餘丸用此藥湯留一口送下或加海藻五錢炒亦妙



升陽調經湯

治瘰癧遶頸或至頰車此皆由足陽明胃經中來若
瘡深遠隱曲肉底是足少陰腎經中來乃戊脾傳於
癸腎是夫傳於妻俱作塊子堅硬大小不等並皆治
之或作丸亦可

升麻

錢八

葛根

草龍膽

酒製

黃芩

酒製

廣茂

酒洗炒

京三稜

酒洗炒

炙甘草

黃連

酒洗

連翹

桔梗

各五錢

生黃芩

四錢

當歸梢

芍藥

各三錢

黃蘗

酒洗二錢

知母

酒洗炒一兩



右另秤一半作末煉蜜爲丸如菜豆大每服百餘丸
一半作㗔咀每服五錢若能食大便硬可旋加至七
八錢水二盞先浸半日煎至一盞去粗臨卧熱服足
高去枕仰卧噙一口作十次嚥之留一口在後送下
丸藥服畢其卧如常

連翹散堅湯

治耳下或至缺盆或肩upper生瘡堅硬如石動之無根
名曰馬刀從手足少陽經中來也或生兩脇或已流
膿作瘡未破並皆治之



柴胡 一兩 二錢 草龍膽 酒洗 四次 土瓜根 酒製各 一兩

黃芩 酒炒 二錢 次七錢 當歸梢 生黃芩 廣茂

京三稜 同廣茂 酒炒 連翹 芍藥 各五錢

炙甘草 三錢 黃連 酒炒 二次 蒼朮 各二錢

右另秤一半為細末煉蜜為丸如棗豆大每服百餘丸一半咬咀每服五錢水二盞先浸多半日煎至一盞去粗臨卧熱服去枕仰卧每口作十次嚥之留一口送下丸藥服畢卧如常更以後藥塗之

龍泉散



龍泉粉炒

瓦粉

廣茂

京三稜洗酒

炒

昆布各五錢

右同爲細末煎熱水調塗之用此藥去疾尤速

救苦化堅湯

治癩癧馬刀挾癭從耳下或耳後下頸至肩上或入
缺盆中乃手足少陽之經分其癩癧在頰下或至頰
車乃足陽明之經分受心脾之邪而作也今將二證
合而治之

黃芪

一錢



護皮毛實腠理虛及活血脉生血亦瘡家聖藥也又能補表實元氣之弱也

人參三分

補肺氣之藥也如氣短不調及喘者加之

炙甘草五分

能調中和諸藥瀉火益胃氣亦能去瘡邪

真漏蘆

升麻

各一錢

葛根

五分

此三味俱足陽明本經藥也

連翹

一錢

此一味十二經瘡中之藥不可無者能散諸血
結氣聚此瘡家之神藥也

牡丹皮三分

去腸胃中留滯宿血

當歸身

生地黃

熟地黃

各三分

此三味諸經中和血生血涼血藥也

白芍藥

三分

如夏月倍之其味酸其氣寒能補中益肺之虛

弱治腹中痛必用之冬寒則不可用



肉桂 二分

大辛熱能散結積陰證瘡瘍須當少用之此寒因熱用之意又為寒陰覆蓋其瘡用大辛熱以消浮凍之氣如有煩躁者去之

柴胡 八分

功同連翹如瘡不在少陽經則去之

黍粘子 三分

無腫不用

羌活 錢一

獨活

防風 各五分



此三味必關手足太陽證脊痛項強不可迴視
腰似折項似拔者是也其防風一味辛溫若瘡
在膈已上雖無手足太陽經證亦當用之爲能
散結去上部風邪病人身拘急者風也

昆布

二分

其味大鹹若瘡堅硬結硬者宜用鹹能軟堅

京三稜

煨二分

廣茂

煨三分

此二味若瘡堅硬甚者用之如不堅硬勿用

益智仁

二分



如唾多者胃不和也或病人吐沫吐食胃上寒者加之無則去之

大麥蘖麩錢一

治腹中縮急兼能消食補胃

神麩末炒黃色二分

為食不消化故也

黃連去鬚三分

以治煩悶

黃蘗炒三分



如有熱或腿脚無力加如有躁煩欲去衣者腎

中伏火也更宜加之無此證勿用

厚樸 三錢二分姜製

如腹脹者加之無則勿用

右為細末湯浸蒸餅和丸捻作餅子日乾搗如米粒

大每服三錢白湯下

如氣不順加橘皮甚者加木香少許量病人虛實臨時

斟酌與之無令藥多妨其飲食此治之大法也

如止在陽明分為瘰癧者去柴胡黍粘子二味餘皆用



之

如在少陽分爲馬刀挾瘦者去獨活漏蘆升麻葛根更

加瞿麥穗三分

如本人素氣弱其病勢來時氣盛而不短促者不可考

其平素宜作氣盛而從病變之權也宜加黃芩黃連

黃蘗知母防己之類視邪氣在上中下三處

假令在上焦加黃芩

一半酒洗
一半生用

在中焦加黃連

一半酒洗
一半

生用在下焦則加酒製黃蘗知母防己之類選而用之

如本人大便不通而滋其邪盛者加酒製大黃以利



如血燥而大便燥乾者加桃仁酒製大黃二味

如風結燥不行者加麻仁大黃

如風澀而大便不行加煨皂角仁大黃秦艽以利之

如脈澀覺身癢氣澀而大便不通者加郁李仁大黃以

除氣燥也

如陰寒之病爲寒結閉而大便不通以局方中半硫丸

或加煎附子乾薑冰冷與之大抵用藥之法不惟瘡

瘍一說諸疾病量人素氣弱者當去苦寒之藥多加

人參黃芪甘草之類瀉火而先補其元氣餘皆倣此



柴胡連翹湯

治男子婦人馬刀瘡

中桂三分

當歸梢二分錢五分

黍粘子二錢

炙甘草

酒黃蘗

生地黄各三錢

柴胡

黃芩炒

酒知母

連翹各五錢

瞿麥穗六錢

右剉如麻豆大每服五水二大盞煎至一盞去粗稍

熱食後服之

黍粘子湯

治耳痛生瘡



昆布

蘇木

生甘草

蒲黃

草龍膽

各一分

黍粘子

連翹

生地黄

當歸梢

黃芩

炙甘草

黃連

各二分

柴胡

黃芪

各三分

桔梗

三錢

桃仁

三箇

紅花

少許

右剉如麻豆大都作一服水二盞煎至一盞去粗稍

熱食後服忌寒藥利大便

淨液湯

一名連翹防風湯

治皮膚痒腋下瘡背上瘡耳聾耳鳴



桂枝二分

連翹

生地黄

桔梗

升麻

甘草各五分

當歸梢七分

麻黃

草豆蔻仁

羌活

防風

柴胡

蒼朮各一錢

酒黃芩一錢

紅花少許

右剉如麻豆大都作一服水二盞煎至一盞去粗食

後熱服

消腫湯

治馬刀瘡

黍粘子炒

黃連各五分

當歸梢

甘草各一錢



瓜蒌根

黃芩 各一錢五分

生黃芩

柴胡 各二錢

連翹 三錢

紅花 少許

右咬咀每服五錢水二盞煎至一盞去粗稍熱食後

服忌酒濕麪

內托羌活湯

治足太陽經中左右尺脈俱緊按之無力尻臀生癰

堅硬腫痛大作

肉桂 三分

連翹

炙甘草

蒼朮

橘皮 各五分

當歸梢

防風

藁本 各一錢



黃芪 一錢五分

黃蘗 酒製

羌活 各二錢

右以咀都作一服水二盞酒一盞煎至一盞去粗稍

熱空心服以夾衣蓋癰上使藥力行罷去蓋之衣

升麻托裏湯

治婦人兩乳間出黑頭瘡瘡頂陷下作黑眼子其脈

弦洪按之細小

黃蘗 二分

肉桂 三分

黍粘子 五分

黃芪

炙甘草

當歸身 各一錢

連翹

升麻

葛根 各一錢五分



右咬咀都作一服水一大盞酒半盞同煎至一盞去

粗稍熟食後服

內托黃芪湯

賈德茂小男於左大腿近膝股內出附骨癰不辯肉
色漫腫皮澤木硬瘡勢甚大其左脚乃肝之脾土也
更在足厥陰肝經之分少侵足太陰脾經之分其脈
左三部細而弦按之洪緩微有力此藥主之

生地黃一分

黃蘗二分

肉桂三分

羌活五分

當歸梢七分

土瓜根酒製

柴胡梢各一錢

連翹三分



黃芪二錢

右咬咀都作一服酒一盞水二盞煎至一盞去粗空

心熱服

柴胡通經湯

治小兒項側有瘡堅而不潰名曰馬刀瘡

柴胡

連翹

當歸梢

生甘草

黃芩

黍粘子

京三稜

桔梗各二分

黃連五分

紅花少許

右剉如麻豆大都作一服水二大盞煎至一盞去粗



稍熱食後服忌苦藥泄大便

白芷升麻湯

尹老家素貧寒形志皆苦於手陽明大腸經分出癰
幼小有癩疔其臂外皆腫痛在陽明左右寸脈皆短
中得之俱弦按之洪緩有力此癰得自八風之變以
脈斷之邪氣在表其證大小便如故飲食如常腹中
和口知味知不在裏也不惡風寒止熱躁脈不浮知
不在表也表裏既和邪氣在經脈之中內經云凝於
經絡爲瘡癰其癰出身半已上故風從上受之故知



是八風之變為瘡者也故治其寒邪調其經脈中血氣使無凝滯而已

炙甘草一分

升麻

桔梗各五分

白芷七分

當歸梢

生地黄各一錢

生黃芩一錢五分

酒黃芩

連翹

黃芪各二錢

中桂少許

紅花少許

右以咀分作二服酒水各一大盞半同煎至一盞去

粗稍熱臨卧服一服而愈

保生救苦散

治火燒或熱油烙及脫肌肉者



生寒水石

大黃火煨

黃蘗油炒各等分

右為細末用油調塗之或乾用此藥塗之其痛立止
日近完復永無破傷風之患

一上散

治諸般疥癬必効

雄黃

通明手呵破者

黑狗脊

蛇床子炒

熟硫黃各五

錢

寒水石六錢

斑猫十三箇去翅足毛研碎

右另研雄黃硫黃寒水石如粉次入斑猫和蛇床子

黑狗脊為細末同研勻先洗疥癬令湯透去痂油調



手中擦熱以鼻中臭三兩次擦上可一上即愈

如痛甚及腫滿高起者加寒水石一倍

如不苦癢只加黑狗脊

如微癢只加蛇床子

如瘡中有蟲加雄黃

如喜火灸湯浴者加硫黃

聖愈湯

治諸惡瘡血出多而心煩不安不得睡眠亡血故也

以此藥主之



生地黄

熟地黄

川芎

人參 各三分

當歸身

黃芪 各五分

右咬咀如麻豆大都作一服水二大盞煎至一盞去

粗稍熱無時服

獨聖散

治湯泡破火燒破瘡毒疼痛

生白礬

右爲細末芝麻油調掃瘡破處不拘時候

黃芪肉桂柴胡酒煎湯

蘭室秘藏

卷下

三



治附骨癰堅硬漫腫不辨肉色行步作痛按之大痛

黃芪

當歸梢

各二錢

柴胡

一錢五分

黍粘子

炒

連翹

肉桂

各一錢

升麻

七分

炙甘草

黃蘗

各五分

右咬咀好糯酒一大盞半水一大盞半同煎至一大盞去粗空心温服少時便以早飯壓之不致大熱上攻中上二焦也

雜病門

安神丸



治心神煩亂怔忡兀兀欲吐胸中氣亂而熱有似懊
懷之狀皆膈上血中伏火蒸蒸然不安宜用權衡法
以鎮陰火之浮越以養上焦之元氣經云熱淫所勝
治以甘寒以苦瀉之以黃連之苦寒去心煩除濕熱
爲君以甘草生地黃之甘寒瀉火補氣滋生陰血爲
臣以當歸補血不足以硃砂納浮留之火而安神明
也

黃連

一錢五分
酒洗

硃砂

一錢
水飛

酒生地黃

酒當歸身

炙甘草

各五分

右件除硃砂水飛外搗四味爲細末同和勻湯浸蒸餅爲丸如黍米大每服十五丸津唾嚥下食後

硃砂安神丸

治心煩懊懣心亂怔忡上熱胸中氣亂心下痞悶食入反出

硃砂

四錢

黃連

五錢

生甘草

二分

右爲末湯浸蒸餅爲丸如黍米大每服十丸食後津

唾嚥下

補氣湯



治皮膚間有麻木乃肝氣不行故也

白芍藥

橘皮

不去白各一兩五錢

炙甘草

黃芪

各一兩

澤瀉

五錢

右咬咀每服一兩水二盞至一盞去粗温服

當歸補血湯

治婦人肌熱躁熱目赤面紅煩渴引飲晝夜不息其脈洪大而虛重按全無內經曰脈虛血虛脈實血實又云血虛發熱證象白虎惟脈不長實為辨也若誤服白虎湯必死此病得之於饑困勞役



黃芪

一兩

當歸身

二錢 酒製

右咬咀都作一服水二盞煎至一盞去粗稍熱空心

服

柴胡升麻湯

治男子婦人四肢發熱肌熱筋骨熱表熱如火燎以手捫之烙人手夫四肢者屬脾土也熱伏地中此病多因血虛而得之又有胃虛過食冷物鬱遏陽氣於脾土之中此藥主之

升麻

葛根

獨活

羌活



白芍藥

人參 各五錢

炙甘草

柴胡 各三錢

防風

二錢五分

生甘草

二錢

右咬咀每服五錢水二大盞煎至一盞去粗熱服忌

寒冷之物

火鬱湯

治五心煩熱是火鬱於地中四肢者脾土也心火下陷於脾土之中鬱而不得伸故經云火鬱則發之

升麻

葛根

柴胡

白芍藥 各一

兩

防風

甘草 各五錢



右咬咀每服五錢水二大盞入連鬚葱白三寸煎至一盞去粗稍熱不拘時候服

小黃丸

化痰涎和胃氣除濕治胸中不利

黃芩

一兩

半夏

薑湯製

白朮

各五錢

陳皮

青皮

去白

黃芪

各三錢

澤瀉

二錢

乾薑

一錢五分

右爲末湯浸蒸餅爲丸如棗豆大每服五十九食遠

溫水下

黃芩利膈丸



除胸中熱利膈上痰

生黃芩

炒黃芩

各一兩

半夏

黃連

澤瀉

各五錢

南星

枳殼

陳皮

各三錢

白朮

二錢

白礬

五分

右爲末湯浸蒸餅爲丸如梧桐子大每服三五十九

食遠溫水下忌酒濕麪

補益腎肝丸

治目中流火視物昏花耳聾耳鳴困倦乏力寢汗惡風行步不正兩足欲側卧而多驚脚膝無力腰以下



消瘦

柴胡

羌活

生地黄

苦參炒

防已炒各五分

附子

肉桂各一錢

當歸身二錢

右爲細末熟水爲丸如雞頭仁大每服五十九食前

溫水下

太陽經嚏藥

防風二分

羌活三分

紅豆二箇

右爲細末鼻內嚙之

麻黃茱萸湯



治胸中痛頭痛食減少咽嗑不利右寸脈弦急

麻黃

羌活

各五分

吳茱萸

黃芪

升麻

各三分

黃芩

當歸

黃蘗

藁本

各二分

川芎

蔓荊子

柴胡

蒼朮

黃連

半夏

各一分

細辛

少許

紅花

少許

右剉如麻豆大都作一服水二盞煎至一盞去粗稍

熱服食後

黃芪湯

本草綱目

卷下

三



治表虛惡風寒

黃芪 錢五

甘草 錢三

香白芷 錢二分

藁木 錢五分

升麻 錢各二

草豆蔻

橘皮 錢各一分

麻黃

當歸身 錢各一

蓮花青皮 分七 柴胡 分六

黃蘗 許少

右咬咀每服五錢水二盞煎至一盞去粗不拘時服

除濕補氣湯 一名清神補氣湯

治兩腿麻木沉重無力多汗喜笑口中涎下身重如

山語聲不出右寸脈洪大

升麻 錢六

蒼朮 錢四

酒黃蘗

柴胡



黃芪

各三錢

酒知母

藁本

生甘草

當歸

各二錢

五味子

陳皮

各一錢五分

右劉如麻豆大每服五錢水二盞煎至一盞去粗空

心服之待少時以早飯壓之

參歸湯

補氣血俱不足

黃芪

七分

甘草

生地黃

各五分

柴胡

草豆蔻仁

升麻

各四分

當歸身

三分

熟地黃

人參

各二分

益智仁

少許

紅花

少許



右剉如麻豆大都作一服水二盞煎至一盞去粗食

遠服

升陽湯

治陽蹻癰疾足太陽經寒恐則氣下行宜升陽氣

炙甘草

五錢

麻黃

節 不去

防風

各八錢

羌活

一兩五錢

右咬咀每服五錢水二盞煎至一盞去粗稍熱空心

服

自汗

自汗論



或問濕之與汗爲陰乎爲陽乎曰西南坤土也在人則爲脾胃也人之汗猶天地之雨也陰滋其濕則爲霧露爲雨也陰濕下行地之氣也汗多則亡陽陽去則陰勝也甚爲寒中濕勝則音聲如從瓮中出濕若中水也相法家有說土音如居深瓮裏言其壅也遠也不出也以明其濕審矣又知此二者亦爲陰寒也內經云氣虛則外寒雖見熱中蒸蒸爲汗終傳大寒知始爲熱中表虛亡陽不任外寒終傳寒中多成痺寒矣色以候天脈以候地形者乃候地之陰陽也故以脈氣候之皆有形無



形之可見者也

周衛湯

治濕勝自汗補衛氣虛弱表虛不任風寒

黃芪

麻黃根

各一錢

羌活

七分

生甘草

當歸梢

生黃芩

半夏

薑製各五分

麥門冬

生地黃

各三分

猪苓

二分

蘇木

紅花

各一分

五味子

七箇

右剉如麻豆大都作一服水二盞煎至一盞去粗稍

熱服



中風證必自汗不得重發其汗故禁麻黃而用根節也
清燥湯

治六月七月間濕令大行子能令母實而熱旺濕熱
相合必刑庚大腸寒冷以救之燥金受濕熱之邪絕
寒水生化之源源絕則腎虧痿厥之病大作腰已下
痿軟癱瘓不能動行步不正兩足欹側此藥主之

黃芪 一錢五分

橘皮

白朮

澤瀉 各五分

人參

白茯苓

升麻 各三分

炙甘草

麥門冬

當歸身

生地黃

神麴末



猪苓

各二分

柴胡

酒黃蘗

黃連

蒼朮

各一分

五味子

九箇

右剉如麻豆大每服五錢水二盞煎至一盞去粗空

心熱服

當歸六黃湯

治盜汗之聖藥也

當歸

生地黃

熟地黃

黃蘗

黃芩

黃連

各等分

黃芪

加倍

右為麤末每服五錢水二盞煎至一盞食前服小兒



減半服之

紅豆散

治頭重如山此濕氣在頭也

麻黃根

炒五錢

苦丁香

五分

羌活

炒

連翹

炒各三分

紅豆

十箇

右爲細末鼻內啗之

活血通經湯

靈壽縣董監軍癸卯冬大雪時因事到真定忽覺有

風氣暴至診候得六脈俱弦甚按之洪實有力其證

藹室必藏

卷下

四



手攣急大便秘澀面赤熱此風寒始至加於身也四肢者脾也以風寒之邪傷之則搐急而攣痺乃風淫未疾而寒在外也內經曰寒則筋攣正謂此也本人素飲酒內有實熱乘於腸胃之間故大便秘澀而面赤熱內則手足陽明受邪外則足太陰脾經受風寒之邪用桂枝甘草以却其寒邪而緩其急搐又以黃蘗之苦寒滑以瀉實而潤燥急救腎水用升麻葛根以升陽氣行手足陽明之經不令遏絕更以桂枝辛熱入手陽明之經爲引用潤燥復以芍藥甘草專補



脾氣使不受風寒之邪而退木邪專益肺金也加人參以補元氣爲之輔佐加當歸身去裏急而和血潤燥此藥主之

芍藥

五分

升麻

葛根

人參

當歸身

炙甘草

各一錢

酒黃蘗

桂枝

各二錢

右剉如麻豆大都作一服水二大盞煎至一盞熱服不拘時令暖房中近火摩搓其手

瀉榮湯

治癘風滿面連頭極癢不任眉毛脫落先砭其處令



惡氣消盡後服此藥

連翹

升麻

各六分

桔梗

五分

生黃芩

生地黄

各四分

黃芪

蘇木

黃連

地龍

全蝎

當歸

各三分

白豆蔻

人參

各二分

甘草

一分半

梧桐淚

一分

麝香

少許

桃仁

三箇

蝨蟲

去翅足炒三箇

水蛭

三箇炒令煙盡

右判如麻豆大除連翹梧桐淚白豆蔻另為細末麝

香蝨蟲水蛭三味同為細末都作一服水二盞酒一

盞入連翹煎至一盞去粗再入白豆蔻二味并麝香



等再煎至七分稍熱早飯後午前服之忌酒濕麪生
冷硬物

人參益氣湯

治兩手指麻木四肢困倦怠惰嗜卧乃熱傷元氣也

黃芪八錢

生甘草

人參各五錢

白芍藥三錢

柴胡二錢五分

炙甘草

升麻各二錢

五味子一百

四十箇

右哎咀分作四服每服水二盞煎至一盞去粗稍熱

食遠服



導氣湯

治兩腿麻木沉重

黃芪 八錢

甘草 六錢

青皮 四錢

升麻

柴胡

當歸梢

澤瀉 各二錢

橘皮 一錢

紅花

五味子 一百二十箇

右咬咀分作四服每服水二大盞煎至一盞去粗食

前熱服

補中湯

治面黃汗多目赤四肢沉重減食腹中時時痛咳嗽



兩手寸脈短右手脈弦細兼澀關脈虛

升麻

柴胡

當歸各二分

神麴三分炒

澤瀉

四分

大麥蘖麩

蒼朮

各五分

黃芪

二分五錢

炙甘草

八分

紅花

少許

五味子

二十箇

右咬咀分作二服水二盞煎至一盞去粗食遠服

麻黃分朮湯

治秋冬每夜五更嗽連聲不絕乃至天曉日高方緩

日苦兩脇下痛心下痞悶卧而多驚筋攣肢節疼痛

痰唾涎沫日晚神昏呵欠不進飲食



麻黃八錢

蒼朮五錢

黃芪一錢五分

草豆蔻六分

柴胡

羌活各五分

生甘草

當歸梢

防風各四分

炙甘草

黃芩各三分

五味子九箇

右咬咀分作二服水二盞煎至一盞稍熱臨卧服

上清湯

清利頭目寬快胸膈

人參

蔓荊子各五分

防風一錢

葛根一錢五分

黃芪三錢

甘草四錢

右咬咀分作二服水二盞煎至一盞去粗臨卧熱服



以夾衣蓋覆不語須臾汗出為効

朮桂湯

一名麻黃
蒼朮湯

治寒濕所客身體沉重胃脘痛面色痿黃

蒼朮二錢

麻黃

炒神麩

橘皮

白茯苓

澤瀉

桂梗

半夏

草豆蔻仁

猪苓

黃芪

炙甘草

杏仁十箇

右都作一服水二盞生薑五片煎至一盞去粗食前

執服



正氣湯

治盜汗

炒黃蘗

炒知母

各一錢五分

炙甘草

五分

右爲麤末生一服水二盞煎至一盞食前溫服

越痛丸

治打撲閃損腰痛不可忍

乳香

沒藥

各錢

白萵苣子

一兩炒黃

烏梅

一箇

白粟米

一抄炒黃

右爲細末煉蜜爲丸如彈子大每服一九細嚼溫酒



空心下

退熱湯

治表中虛熱或遇夜則甚

黃芩

錢一

柴胡

分七

生甘草

黃連

酒製

黃芩

芍藥

地骨皮

生地黃

去血

熱

蒼朮

各五分

當歸身

升麻

各三分

右咬咀作一服水二盞煎至一盞去粗食遠溫服

如身體力困者加麥門冬五味子

各五分

人參甘草

各一錢

解表升麻湯



治遍身壯熱骨節疼痛

升麻

羌活

蒼朮

防風

各一錢

分八

柴胡

甘草

當歸

藁本

各七分

各五分

橘皮

三分

冬加麻黃

不去節

春加麻黃

去節

右咬咀作一服水二盞煎至一盞去粗溫服後以葱

醋湯發之得微汗為効

天麻黃芪湯

治表有風證因連日酣飲其證復來右口角并眼頗

有側視及左手左脚腿麻木疼痛



天麻

芍藥

神麩炒

羌活肢節不痛

去之

茯苓各三分

人參

黃連各四分

當歸五分

黃芪

甘草

升麻

葛根

黃蘗

蒼朮各六分

澤瀉七分

柴胡九分

右咬咀作一服水二盞煎至一盞去粗食遠温服或

加猪苓六分

健步丸

治膝中無力伸而不得屈屈而不能伸腰背腿膝沉



重行步艱難

防己 酒洗 一兩

羌活

柴胡

滑石 炒

炙甘草

瓜蒌根 酒洗各 五錢

澤瀉

防風 各三 錢

苦參 酒洗

川烏 各一 錢

肉桂 五 分

右爲細末酒糊爲丸如梧桐子大每服七十九煎愈

風湯下空心服

白朮除濕湯

治午後發熱背惡風四肢沉重小便或多或少黃色

此藥又治汗後發熱



白朮一兩

生地黄炒

地骨皮

澤瀉

知母各七錢

赤茯苓
人參

炙甘草

柴胡各五錢

右為麤末每服五錢水二盞煎至一盞去粗食遠溫

服

如小便快利減茯苓澤瀉半

如有刺痛一料藥中加當歸身酒洗七錢

加味四君子湯

治久瘧熱多寒少不止



白朮

白茯苓

人參

甘草

柴胡

薄荷葉

黃芩

各等分

右咬咀每服五錢水二盞生薑三片棗一枚煎至一盞去粗不拘時候服

瀉血湯

治發熱晝少而夜多太陽經中尤甚晝病則在氣夜病則在血是足太陽膀胱血中浮熱微有氣也既病人大小便如常知邪氣不在臟腑是無裏證也外無惡寒知邪氣不在表也有時而發有時而止知邪氣



不在表不在裏知在經絡也夜發多而晝發少是邪氣下陷之深也此雜證當從熱入血室而論之

生地黄

酒洗炒

熟地黄

蒲黃

丹參

酒炒

當歸

酒洗去土

漢防已

酒洗炒

柴胡

去蘆

甘草梢

炙

羌活

各一兩

桃仁

去皮三錢湯浸

右爲麤末每服五錢水一盞半煎至一盞去粗空心

温服

洗面藥

治面有黥黥或生瘡或生痤癩及粉刺之類并去皮



膚燥癢去垢膩潤澤肌膚

皂角

三斤去皮
弦子另搗

好升麻

八兩

楮實子

五兩

白芨

一兩
細剉

甘松

七錢

碓砂

連皮

白丁香

臘月

收

三柰子

各五分

菘豆

八合揀
淨另搗

糯米

一升
二合

右爲細末用之如常

瑩肌如玉散

白丁香

白芨

白牽牛

白欽

各一兩

白芷

七錢

當歸梢

白蒺藜

升麻

各五錢

白茯苓

楮實子

各三錢

麻黃

去節
二錢

白附子



連翹

各一錢五分

川椒

錢一

右為細末用之如常

面油摩風膏

麻黃

升麻

去黑皮

防風

各二錢

羌活

去皮

當歸身

白芨

白檀

各一錢

右用小油半斤以銀器中熬綿包定前藥於油中熬之得所澄淨去粗入黃蠟一兩再熬之為度

小兒門

治驚論



外物驚宜鎮心以黃連安神丸若氣動所驚宜寒水石
安神丸大忌防風丸治風辛溫之藥必殺人何也辛散
浮溫熱者火也能令母實助風之氣盛皆殺人也因驚
而泄青色先鎮肝以硃砂之類勿用寒涼之氣大禁涼
驚丸風木旺必克脾胃當先實其土後瀉其子閻孝忠
編集錢氏方以益黃補土誤矣其藥有丁香辛熱助火
火旺土愈虛矣青橘皮瀉肺金丁香辛熱大瀉肺與大
腸脾實當瀉子今脾胃虛反更瀉子而助火重虛其土
殺人無疑矣其風木旺證右關派洪大掌中熱腹皮熱



豈可以助火瀉金如寒水來乘脾土其病嘔吐腹痛瀉痢青白益黃散聖藥也今立一方先瀉火補金大補其土是爲神治之法

黃芪湯

黃芪

二錢

人參

一錢

炙甘草

五分

右咬咀作一服水一大盞煎至半盞去粗食遠服加白芍藥尤妙

此三味皆甘溫能補元氣甘能瀉火內經云熱淫於內以甘瀉之以酸收之白芍藥酸寒寒能瀉火酸味



能瀉肝而大補肺金所補得金土之位金旺火虛風木何由而來克土然後瀉風之邪

夫益黃散理中丸養神丸之類皆治脾胃寒濕大盛神品之藥也若得脾胃中伏熱火勞役不足之證及服熱藥巴豆之類胃虛而成慢驚之證用之必傷人命夫慢驚風者皆由久瀉脾胃虛而生也錢氏以羌活膏療慢驚風誤矣脾虛者由火邪乘其土位故曰從後來者爲虛邪火旺能實其木木旺故來克土當於心經中以甘溫補土之源更於脾土中瀉火以甘



寒更於脾土中補金以酸涼致脾土中金旺火衰風木自虛矣損食多進藥愈前藥是也

益黃散

治胃中風熱

黃芪

二錢

陳皮

去白

人參

各一錢

芍藥

七分

生甘草

熟甘草

各五分

黃連

少許

右爲細末每服二錢水一盞煎至五分食前服

升陽益血湯

二月間有一小兒未滿一百日病腹脹二日大便一



度瘦弱身黃色宜升陽氣滋血益血補血利大便

蠍梢二分

神麩末

升麻各二分

當歸

厚樸

各一錢

桃仁十箇

右都作一服水一大盞煎至半盞去粗食遠熱服

厚腸丸

治小兒失乳以食飼之未有食腸不能克化或生腹

脹四肢瘦弱或痢色無常

厚樸

青皮各二分

橘紅

半夏

蒼朮

人參各三分

枳實

麥蘖麩



神麩末 各五分

右爲極細末水煮麩糊爲丸如麻子大每服二十九
溫水送下食前忌飽食

補陽湯

時初冬一小兒二歲大寒證明堂青脈額上青黑腦
後青絡高起舌上白滑喉鳴而喘大便微青耳尖冷
目中常常淚下仍多眵胸中不利卧而多驚無搐則
寒

黃蘗

橘皮

葛根

連翹



蠟梢

炙甘草

各一分

升麻

黃芪

柴胡

各二分

當歸身

麻黃

各三分

吳茱萸

生地黃

地龍

各五分

右咬咀都作一服水一大盞半煎至六分去粗乳食

後熱服服藥之後添喜笑精神出氣和順乳食旺

大蕪荑湯

一名梔子茯苓湯

治黃疳土色為熱為濕當小便不利今反利知黃色

為燥胃經中大熱髮黃脫落知膀胱與腎俱受土邪

乃大濕熱之證鼻下斷作瘡者土逆行榮氣伏火也



能乳者胃中有熱也寒則食不入喜食土者胃不足也面黑色者為寒為痺大便青寒褐色血黑色熱畜血中間黃色腸中有熱治法當滋榮潤燥除寒熱致津液

防風

黃連

各一分

黃蘗

炙甘草

麻黃

不去根節

羌活

各三分

山梔子仁

柴胡

茯苓

各三分

當歸

四分

大蕪荑

白朮

各五分

右剉如麻豆大都作一服用水一大盞半煎至六分

去粗食前稍熱服



塌氣退黃湯

一名茯苓
滲濕湯

治小兒面色痿黃腹脹食不能下

白朮

柴胡

各半分

升麻

一分

桂枝

麻黃

吳茱萸

厚樸

羌活

草豆蔻

神麴末

蒼朮

澤瀉

白茯苓

猪苓

黃蘗

橘紅

各二分

青皮

黃連

各五分

杏仁

二箇

右都作一服水二大盞煎至一盞去粗食前温服

中滿分消丸



枳實

黃連

去鬚

厚樸

各五分

乾薑

薑黃

猪苓

各一錢

橘皮

甘草

白朮

各一錢五分

砂仁

澤瀉

茯苓

各三錢

半夏

四錢

黃芩

一兩二錢

右爲細末湯浸蒸餅爲丸如黍米大每服三五十九

溫水下

消痞丸

黃連

五錢

黃芩

二錢

厚樸

七分

薑黃

五分

乾生薑

人參

各四分

甘草

三分

枳實

二分



橘皮分一

右爲細末湯浸蒸餅爲丸如黍米大每服三十九隨
乳下

癩疹論

夫癩疹始出之證必先見面燒腮赤目胞亦赤呵欠煩
悶乍涼乍熱咳嗽嚏噴足稍冷多睡驚並瘡疹之證或
生膿胞或生小紅癩或生癰疹此三等不同何故俱顯
上證而後乃出蓋以上諸證皆太陽寒水起於右腎之
下煎熬左腎足太陽膀胱寒水夾脊逆流上頭下額逆

手太陽內火不得傳導逆於面上故顯是證蓋壬癸寒水克丙丁熱火故也諸癩證皆從寒水逆流而作也醫者當知此理乃敢用藥夫胞者一名赤宮一名丹田一名命門主男子藏精施化婦人繫胞有孕俱爲生化之源非五行也非水亦非火此天地之異名也象坤土之生萬物也夫人之始生也血海始淨一日二日精勝其血則爲男子三日四日五日血脈已旺精不勝血則爲女子二物相搏長生先身謂之神又謂之精道釋二門言之本來面目是也其子在腹中十月之間隨母呼吸



呼吸者陽氣也而生動作滋益精氣神饑則食母血渴則飲母血兒隨日長皮肉筋骨血脈形氣俱足十月降生口中尚有惡血啼聲一發隨吸而下此惡血復歸命門胞中僻於一隅伏而不發直至因內傷乳食濕熱之氣下流合於腎中二火交攻致榮氣不從逆於肉理惡血乃發諸癍疹皆出於膀胱壬水其瘍後聚肉理歸於陽明故三番癍始顯之證皆足太陽壬膀胱克丙小腸其始出皆見於面終歸於陽明肉理熱化爲膿者也二火熾甚反勝寒水遍身俱出此皆出從足太陽傳變中



來也當外發寒邪使令消散內瀉二火不令交攻其中
令濕氣上歸復其本位可一二服立已仍令小兒以後
再無二番癰出之患此內經之法覽者詳之

消毒救苦散

治癰證悉具消化便令不出如已出希者再不生癰

防風

羌活

麻黃根

升麻

生地黃

連翹

初出者減
出大者加

酒黃蘗

各五

分

當歸身

黃連

各三分

川芎

藁本

柴胡

葛根

酒黃芩



生黃芩

蒼朮 各二分

細辛

生甘草

白朮

陳皮

蘇木

紅花 各一分

吳茱萸 半分

右剉如麻豆大每服五錢水二大盞煎至一盞去粗

稍熱空心服

夫癩疹出者皆因內傷必出癩榮氣逆故也大禁牽牛

巴豆食藥宜以半夏枳朮大黃益智仁之類去其泄

瀉止其吐若耳尖冷呵欠睡中驚噫噴眼澀知必出

癩也諸大膿泡小水泡癩疹癩三色皆榮氣逆而寒



復其表宜以四味升麻湯中加當歸身連翹此定法也

如肺成膿癰先嗽喘或氣高而喘促加人參少加黃芩以瀉伏火而補元氣

如心出小紅癰必先見嗑乾驚悸身熱肌肉腫脈弦洪少加黃連

如命門出癰疹必先骨疼身熱其疼痛不敢動搖少加生地黃又加黃蘗諸癰疹皆爲陰證瘡須皆因內傷飲食脾胃不足榮氣逆行雖火熱內熾陰覆其外治



法如前

辨小兒癡證

呵欠

嚏噴

睡中發驚

或耳尖冷

眼澀

或辨復食

口熱

或口醋氣

妳辦不消

或腹中痛

如癡證少具其癡未發乃與升麻湯三五錢帶熱服之

待身表溫和癡疹已顯服藥乃止

如其身涼其癍未出辨得是癍證無問服數直候身表
溫和及癍瘡已顯然後乃止只時時與桔梗湯寬胸
膈利咽喉

桔梗湯

如癍已出只時時與之快咽喉寬利胸膈

桔梗二錢

甘草一錢
炙

右爲麤末每服三錢水一大盞煎至六分去粗大溫
時時服之不可計服數

如見傷食證又見癍證先與不犯大黃巴豆藥克化過



再與升麻湯

如食重傷前藥不能過再與犯大黃巴豆藥過

如大便行當卽便與升麻湯服之恐癡子內陷已後臨

時作罪過

如癡子已出稠密身表熱急與下項

黍粘子湯

如癡子已出稠密身表熱急與此藥服之防後青乾

黑陷

黍粘子

炒香

當歸身

酒洗

炙甘草

各一錢

柴胡

連翹

黃芪

黃芩

各一錢五分

地骨皮

二錢

右同為麤末每服二錢水一大盞煎至六分去粗温服空腹服藥畢且休與乳食

麻黃柴胡升麻湯

治小兒寒鬱而喘喉鳴腹滿鼻流清涕脈沉急而數

麻黃

草豆蔻仁

益智仁

各一錢五分

吳茱萸

厚樸

各二分

當歸梢

甘草

柴胡

生黃芩

各一分

升麻

神麴

蘇木

各半分

全蠍

二箇

紅花

少許



右判如麻豆大分作二服水一大盞煎至七分去粗

食遠服忌風寒微有汗則効

蘭室秘藏卷下終

